



**RELATÓRIU TRIMESTRÁL FUNDU MINA-RAI NIA**  
**Trimestre ne'ebé termina iha 31 Marsu 2016**  
**KOMUNIKADU IMPRENSA**

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Haat nulu resin tolu ba trimestre ne'ebé termina iha loron 31 fulan Marsu tinan 2016. Relatoriu ne'e hatudu katak kapitál Fundu nian iha trimestre ikus ne'e mak billiaun US\$16,58 kompara ho billaun \$16,22 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk miliaun \$125,30 ne'ebé kompostu husi kontribuisaun kontribuente sira ba Fundu hamutuk miliaun \$56,40 no pagamentu *royalty* simu husi Autoridade Nasionál Petróleu (ANP) miliaun \$68,90.

Rendimentu husi investimentu Fundu nian ne'e hamutuk miliaun \$334,95 kompostu husi kupaun no jurus ne'ebé simu mak miliaun \$84,76. mudansa iha valór merkadu nian miliaun \$100,38 no movimentu cambiais mak millaun \$157,00, iha trimestre ne'e. Ne'e rezulta rendimentu ba karteira Fundu nian durante trimestre ne'e 2,10% enkuantu rendimentu sasukat (*benchmark*) nian ba periodu ne'e mak 2,14%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referencia iha trimestre dala haat nulu resin tolu dahuluk. Diferensia entre portofoliu no pontu referencia hahú husi inísiu fundus nian mak pontu baze 1 (0,01%).

Pontu importante husi Relatóriu Trimestre ba dala XLIII, ne'ebé kobre período 01 fulan Janeiro tinan 2016 to'o loron 31 fulan Marsu tinan 2016, inklui:

- Kapitál Fundus nian mak billiaun \$16,58
- Osan kontadu bruto fundus nian tama husi kontribuisaun kontribuente, realeza (*royalties*) hamutuk millaun \$125,30.
- Osan kontadu liquidu ne'ebé sai husi Fundu durante trimestre ne'e hamutuk miliaun \$105,18, kompostu husi miliaun \$100 transfere ba Orsamentu Estadu no miliaun \$5,18 kobre kustus jestaun nian.
- Reseitas likidus durante trimestre ne'e hamutuk miliaun \$20,12.
- Rendimentu portofoliu iha periodu ne'e mak 2,10% kompara ho rendimentu referencia mak 2,14%.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian [www.bancocentral.tl](http://www.bancocentral.tl)

Dili 02 Maiu 2016

**Venancio Alves Maria**  
Diretor Ezekutivu  
Jestaun Fundu Petróleu  
Banco Central de Timor-Leste

**BANCO CENTRAL DE TIMOR-LESTE**

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: [info\(at\)bancocentral.tl](mailto:info(at)bancocentral.tl)